



# education

Department:  
Education  
REPUBLIC OF SOUTH AFRICA

## NATIONAL SENIOR CERTIFICATE

GIREDI YA 12

XITSONGA: RIRIMI RO ENGETELA RO SUNGULA (FAL)

PAPILA RA 3 (P3)

HUKURI 2008

TIMARAKA: 100

NKARHI: 2½ WA TIAWARA

Papila leri ri na 5 wa tipheji.

**SWITSUNDZUXO**

1. Papila leri ri avanyisiwile hi SWIYENGE SWINHARHU
  - XIYENGE XA A: Switshuriwa swa switsalwana (50)
  - XIYENGE XA B: Switshuriwa swa switsalwambiko swo leha (30)
  - XIYENGE XA C: Switshuriwa swa switsalwambiko swo koma (20)
2. U languteriwa ku hlamula xivutiso XIN'WE eka xiyenge xin'wana ni xin'wana.
3. Sungula ku hlamula xivutiso XIN'WANA NI XIN'WANA eka pheji YINTSHWA u tlhela u nkhwatihata emakumu ka xiyenge xin'wana ni xin'wana.
4. Endla nkunguhato u nga si sungula ku tsala ntirho wa wena. Tirhisa pheji yin'we ntsena ku kombisa leswi u kunguhatiseke xiswona xitsalwana xa wena. Le henhla ka pheji leyi ku fanele ku tsariwa hi maletere lamakulu leswaku i NKUNGUHATO. U nga tirhisa mimepe yo hlengeleta miehleketo. Nkunguhato wu ta averiwa timaraka.
5. Tsala hi vurhon'wana (swi saseka no vonaka), u landzelela milawu leyi faneleke ya mapeletelo na mahikahatelo.
6. Vumba tinxaka to hambanahambana ta swivulwa hi ndlela leyi amukelekaka.
7. Landzelela swiletelo leswi andlariweke eka xivutiso xin'wana ni xin'wana.

**XIYENGE XA A: SWITSHURIWA SWA SWITSALWANA****XIVUTISO XA 1**

Swiletelo:

- Hlawula nhlokomhaka YIN'WE ntsena leyi u yi twisisaka swinene kutani u tsala xitsalwana hi yona, kambe u nga humi emhakeni.
- Rhanga u endla NKUNGUHATO u nga si sungula ku tsala.
- Xitsalwana xa wena xi fanele ku va kwalomu ka 250 – 300 wa marito.
- Sungula nhlamulo ya wena eka pheji yintshwa.

- 1.1 A wu rhambiwele eka nkhuvo wa vukati wa munghana wa wena. Rungula hinkwaswo leswi humeleleke eka nkhuvo lowu. **[50]**

**KUMBE**

- 1.2 Munghana wa wena wa xisati kumbe wa xinuna u ku byerile leswaku a nga ha ku lavi. Hlamusela leswi mhaka leyi yi nga humelerisa xiswona u karhi u kombisa ni ku khumbeka ka wena hi mhaka leyi. **[50]**

**KUMBE**

- 1.3 Hi ku pfuniwa hi xifaniso lexi nga laha hansi, kombisa nkoka wa ku hlayisa timhaka ta swa ndhavuko.



[Xifaniso xi huma eka Magazini ya *Skyways* ya Ndzati 2007]

**[50]****KUMBE**

- 1.4 Vamanana hi vona va nga ni vuswikoti byo hlayisa mindyangu ku tlula vanhu va xinuna. Kaneta kumbe u seketela mhaka leyi u ri karhi u seketela hi vumbhoni lebyi tiyeke. **[50]**

**KUMBE**

- 1.5 Vanhu lava nga ni swirhalanganyi swa le mirini na vona va ni vuswikoti byo endla timhaka ta nkoka ku ya hi tinyiko ta vona. Kanela mhaka leyi u ri karhi u nyika swikombiso leswi hanyaka. [50]

**KUMBE**

- 1.6 Leswi nga pfunetaka ku hlohlotela Vantima leswaku va nghenelela eka mabindzu lamakulu ya tiko. [50]

**NTSENGO WA XIYENGE XA A: 50****XIYENGE XA B: SWITSHURIWA SWA SWITSALWAMBIKO SWO LEHA****XIVUTISO XA 2**

Swiletelo:

- Hlawula nhlokomhaka YIN'WE ntsena leyi u yi twisisaka swinene kutani u tsala xitsalwambiko hi yona, kambe u nga humi emhakeni.
- Rhanga u endla nkunguhato u nga si sungula ku tsala.
- Xitsalwambiko xa wena xi fanele ku va kwalomu ka 120 – 150 wa marito.
- Sungula nhlamulo ya wena eka pheji yintshwa.

- 2.1 A wu tsala xikambelo xa giredi ya 12, kutani u kumile mbuyelo wa leswaku u pasile.

Tsala papila u tivisa tata wa wena u tlhela u n'wi kombisa leswi u navelaka ku endla swona eka lembe leri taka. [30]

**KUMBE**

- 2.2 Ku ta va ni nkhuvo wo amukela mufundhisi lontshwa ekerekeni ya ka n'wina. Wena u un'wana wa vakulukumba va kereke. Tsala xipichi xo n'wi amukela. [30]

**KUMBE**

- 2.3 Mi na swiphiso swo pfinyiwa ka vana emugangeni wa ka n'wina. Tsala memorandamu leyi nga ta yisiwa exitichini xa maphorisa. [30]

**NTSENGO WA XIYENGE XA B: 30**

**XIYENGE XA C: SWITSHURIWA SWA SWITSALWAMBIKO SWO KOMA****XIVUTISO XA 3**

Swiletelo:

- Hlawula nhlokomhaka YIN'WE ntsena leyi u yi twisisaka swinene kutani u tsala xitsalwambiko hi yona, kambe u nga humi emhakeni.
- Rhanga u endla nkunguhato u nga si sungula ku tsala.
- Xitsalwambiko xa wena xi fanele ku va kwalomu ka 80 – 100 wa marito.
- Sungula nhlamulo ya wena eka pheji yintshwa.

- 3.1 Xiya xifaniso lexi nga laha hansi kutani u endla xinavetiso xa ntlangu wa xipano xa rixaka lowu nga ta va kona ku nga ri khale.



[Xi huma eka Magazini ya *Supersport TV guide* ya Ndzati 2007]

**[20]****KUMBE**

- 3.2 Tsala khadi u rhamba munghana wa wena ku ta eka nkhuvo wo tlangela ku hela ka 50 wa malembe vatswari va wena va tekanile.

**[20]****KUMBE**

- 3.3 Wa ha ku thoriwa ku va mudzaberi wa xipano xa ntlangu wa bolo ya milenge kumbe ya mavoko. Nyika vatlangi swileriso leswi u lavaka leswaku va swi landzelela.

**[20]****NTSENGO WA XIYENGE XA C: 20****NTSENGO WA TIMARAKA: 100**